

ABSTRAK

Penyelidikan ini bertujuan untuk menjelaskan pandangan syarak terhadap beberapa amalan yang dilakukan oleh masyarakat Melayu Negeri Sembilan selepas berlakunya sesuatu kematian seperti majlis bacaan surah Yāsin dan tahlil, kenduri arwah, bacaan talqin, ziarah kubur dan sebagainya. Amalan-amalan tersebut sudah lama mendasari masyarakat Melayu sehingga adakalanya bercampur aduk dengan amalan yang bercanggah mengikut pandangan agama. Apabila ia diwarisi dari satu generasi ke generasi, maka terjadilah amalan secara warisan. Lebih menambah kecelaruan apabila amalan tradisi tersebut dilakukan tanpa sandaran dalil yang kuat dan kukuh. Ini menyebabkan ada di antara masyarakat beramal tanpa mengetahui apakah hukum setiap amalan yang dilakukan itu. Kajian mendapati ada anggota masyarakat menyangka bahawa amalan mereka adalah berdasarkan hukum syarak sedangkan ia adalah satu adat kebiasaan sahaja. Ada juga yang berpendapat bahawa amalan mereka satu adat kebiasaan sedangkan ada nas syarak yang membenarkannya. Boleh jadi penjelasan hukum terhadap amalan selepas kematian tidak dijelaskan atau disebarkan secara mendalam dan meluas kepada masyarakat, atau mungkin kerana kurangnya buku dan penulisan berkaitan dengannya atau mungkin kerana masyarakat kurang mendalami ilmu agama dan hukum-hakam syarak. Ada di antara amalan selepas kematian dikategorikan sebagai adat, namun permasalahan berhubung dengannya banyak disentuh dan dibahas oleh para fuqaha dalam kitab mereka serta dinyatakan hukumnya. Ada juga amalan masyarakat yang diwarisi itu tiada sandaran hukum syarak dan wajar ditinggalkan. Ini menepati kaedah usul fekah yang menyatakan bahawa adat yang tidak bercanggah dengan syarak adalah dibenarkan dan amalan yang tiada kena mengena dengan sunnah nabi hendaklah ditinggalkan. Semoga kajian ini dapat membantu masyarakat supaya tidak terkeliru dalam mengenal pasti apakah hukum amalan yang mereka lakukan selama ini. Ia juga boleh dijadikan rujukan kepada para pembaca dalam kajian mereka yang mungkin ada kaitan dengan tajuk penyelidikan ini.

ABSTRACT

The purpose of the research is to explain how is syarak viewed on few practices by the Malay society of Negeri Sembilan after the decease of someone. This includes practices such as reciting of surah Yāsin and tahlil, kenduri arwah, reciting talqin, visit the grave and others. These practices have long been practiced by the society until they interlard with practicals that diesent by islamic views. When it is inherit from one generation to another generation, therefore it is called or named as heritage. It will be make confusing if the tradition is carried without any story support. This cause some of the society practising their practices without knowing what is the hukum. This research explain that the society believes that their practices are based on the syarak when in fact it is only a custom and probably it is a practice which has nothing to do with Islam. There are also those who of the opinion that their belief is a norm but there is a nas which allows it. Probably there has been a lack of clear interpretation on law on practices after death which was not clearly taught or disseminated widely among the society or probably because there had been inadequate books and related essays on the issue or probably because the society did little study on religion and syarak laws. This studies also found that even though many practices after death is categorized as a custom, nevertheless issues connected with it has been discussed by the fuqaha in their books and the law described. There are also practices in herited by the society which are not based on the syarak and should be dropped. This is in accordance to usul fekah which reiterates that custom practices which are not incompatible with the syarak may be allowed to be practiced. By handling this kind of research it will help the society the practice with any confusion in indentifying the hukum. This will also be a reffence for readers or researches in the research related to this topic.